

四庫全書

集部

欽定四庫全書

集部

少室山房集卷四十四至
七

詳校官編修_臣翟槐

侍讀_臣孫球覆勘

總校官庶吉士_臣何思鈞

校對官中書_臣王鍾泰

謄錄監生_臣張士琛

謄錄監生_臣沈一鶚

欽定四庫全書

少室山房集卷四十四

明 胡應麟 撰

五言排律一十三首

題畫贈陳生東父兼柬王伯寵將軍十八韻

落落乾坤內清狂見汝曹
孟公元世閥仲舉舊人豪
萬事捐雞肋孤心逐蟹螯
浮生閒處得濁世靜中逃
海岳驕藜杖江湖狎布袍
管丘傳洒墨洪谷授揮毫
繡柱懸

飛瀑雕梁壓怒濤冬亭河漢入夏檻雪風號五竺攜靈
鷲三神挈巨鼇洞庭迴鴈驚巫峽挂猿猱珮玉明冠劍
鏘金肅羽旄樓臺籠曉色城闕洞秋毫果欲嘗丹荔花
應墜碧桃幽人題桂樹上客醉葡萄盤礴迴千慮經營
費二毛窮年思訓力竟日道玄勞北海盟投禰南山趣
逼陶惟應伴王績西第日醺醺

贈馬計部三十韻

馬多畜異鼎古
玩甲于中州

盛世徵才彥明時毓俊髦青雲馳洛下紫氣躡崧高蚤

擢仙臺桂重攀帝苑桃雙旌移海右六傳駐江皋嶽色
東橫岱河流北控漕城闔迴萬堞樓櫓夾千舠握算邊
儲重持籌國課勞紛紜留駿足盤錯試牛刀會計名逾
藉登臨思並豪深期投翰墨雅韻擷詩騷草閣親藜杖
芸窓狎布袍虹霓流竹素星斗燭蘭膏秘玩呈荒隧奇
珍出斷壕遐觀籠古昔勝賞滌喧囂夏鼎占神物商觚
醉濁醪尊壘陳九兕簠簋雙饗照乘全收魏連城盡
壓洮沉沙錢背蝕入土印文韜籀跡披蟲篆義文辯鼠

毫張吳時久近徐趙業卑高英水羅羣石官哥列衆陶
虵紋琴斷腹龍鏐劍遺殘鑒別衡先定姪妍鏡莫逃吹
噓存薜荔吐握下蓬蒿意氣憐孤憤形容媿二毛心懸
丹壑靜首傍碧天搔未擬題孤鳳猶懷釣巨鼇寥寥白
雪唱一為伯牙操

贈朱本立山人十二韻

大隱齊東市青囊不記年攜將三泖宅並載五湖船鶴
渚穿雲僻漁汀釣雪便然藜驚杖化賣藥指壺懸海上

攜真訣區中得秘傳玉機頻攬義金匱幾探玄挂壁雙
龍下應門獨虎眠餐苓遊絳闕辟穀守丹田異證倉公
習殊方葛令研軒岐存後裔俞華失先賢祖德持三世
神功奏十全沉疴吾已脫一笑紫霞前

寄丁元父

艷識千秋帥驚看萬里侯風聲雄海岱意氣重山丘報
國籌先運開疆筆暫投援桴推後勁仗鉞覩先憂雨雪
霏行旆冰霜綻賜裘列營屯虎豹增竈宿貔貅諭檄流

關外飛書遍隴頭
漁陽塵驟息遼水淖全收
月滿劉琨塞
天清庾亮樓
胡床無限興
能似昔時不

夙昔登壇客
于今出塞雄
擁旄摧太白
橫槊貫長虹
文武周卿亞
詩書晉帥同
轅門環甲冑
記室聚章縫
斧鉞軍容盛
樓船將令崇
投鞭紫渤澥
礪劍拂崆峒
鴨淨遼江綠
狼銷碣石紅
天高鯨觀峙
塞絕雁門通
券議新頒鐵
標模舊建銅
平陽勲七十
第一讓元功

贈王將軍貞伯二章

鎮北威名著安東將畧長援枹肝膽赤仗鉞鬚毛蒼置
陣分鷺鷥連鑣控驪驪旌旗縈析木檣櫓散扶桑草檄
屯兵地分題結客場荀吳元破敵段頰舊平羌巨碣祁
連外高牙勅傍煌煌麟閣燕獸錦出明光

八陣新魚復三關舊虎符橫行金鎖甲獨挽繡螭弧紫
塞雲連磧黃沙月滿途擒生過涿鹿轉戰出飛狐朔雪
飄笳吹寒星墜鹿盧胡床秋弄笛油幕夜投壺熊豹傳
韜畧麒麟照畫圖受降城下戰一舉懾威弧

大中丞萬公伯修以出塞百咏湟中經畧諸牘
見貽卒業寄懷十六韻時萬公復有塞上之

行

獨坐中丞幕雄飛國士場雙雕白羽箭萬騎綠沉槍
籌策金城擅韜鈴玉壘揚舉天依大樹畧地到扶桑
積甲陰山下投鞭瀚海傍受降來紫塞歸附半青羌
屬國賡酬麗中軍敘致詳郵筒馳百韻竿牘報千章
吐握追公旦吹噓接孟嘗詞流傾陸謝賦客聚班張
玉屑霏盈坐

金釵嚴作行南樓談未徹北府宴頻張
簞策驅前部琵琶醉後堂
珠簾宵墜月畫戟晝凝霜
相貌圖高閣勲庸勒太常
煌煌三錫命鐵券下明光

賦得西海子

蔭樹分仙闕浮花出帝城
微茫銜日動浩蕩接天平
雁鷺依沙下魚龍觸浪行
石疑藏艷潁池似鑿昆明
鼓角隋隄暮戈鋌漢殿晴
涼秋汎槎去織女下機迎

寄趙相國一百韻

赤漢雙扉近黃河一棹遲憑陵蒼野外悵望碧雲時酒
肆遊真倦鹽車力漸疲書徒勤馬服策轉誤鷗夷絕域
春如夢他鄉歲若馳行藏嗟歷轆去住嘆支離水欲浮
三峽峰猶礙九疑有登懷泰岱無路息峨眉此日文迷
豹當年瑞應麒麟朱絃千古抱彩筆萬言持藝圃誇韶雋
詞場問宿耆元戎推授甲老將屬褰旗一代尊玄晏三
生邁子期升堂偕偃夏對陞壓郊祁燦爛甘泉燭熒煌
太乙藜金波鳩鵲觀玉漏鳳凰池直道崇三黜危言和

四維埋輪搖地軸折檻樹天彝率土聲華震窮荒竄逐
罹羅浮盟蜃鰐嶺表攝蛟魑進退占坤剝盈虛悟坎離
三山行息足六洞坐支頤勞繡資騰蹕麟符藉保釐楓
閭仍出入棘殿重逶迤勞來初煩契寅清獨任夷都俞
堯寵渥吁咈舜顏怡溫室舟航待明堂柱石毘推誠扶
社稷盡瘁鞠烝黎戟楯開邊釁戈鋌慮世危烽烟纏上
谷郡邑踐高麗獨坐裴中令橫行郭子儀運籌帷捷伐
請劍必芟夷號令嚴驅馭威名捷虎貔追奔逾朔漠經

畧到岵嶂廟繫中行說街懸右谷蠡八荒迴天札四表
淨瘡痍浩蕩皇仁布紛綸聖澤馳雙螭文郁郁五翟命
纚纚祖德鸞章耀幽閨象服宜禎祥符宇宙盼蠻格靈
祇御苑窺神雀天閑狎盜驪深仁淪鳥獸殊錫兆熊羆
時公學好善真諧克推賢欲過皮肝腸洪絳灌耳目洞

生二雄

黃驪吐握傾流輩游揚洽等夷塵埃鳴鬱悒磴壑話棲
遲龍性乖鱗鬣鴻心豁羽儀沉珠勞罔象抱璞詫窮奇
意氣凌山岳風流溢路歧孤亭償寂寞大府接溫夷東

閣床容卧西園席並怡盤飧調芍藥枕簟挹茶蘼黼黻
參芒屨絲綸逗接離參差聞鼓吹酩酊沃卮匱傳鼎頻
頒鹿郇厨或餽鮓捐檐陳董杏匝座蔭張梨柳暗前除
蝶花明後院鷗珠宮遊紺碧貝刹步琉璃突兀中郎座
留連太傅碁帝京紅旭邁親舍白雲移興盡燕都稻神
飛越浦離歸程攜候雁舊隱逐文狸菽水輸堂構糟糠
慰處庠高齋焚甲煎別館搆辛夷上苑偏垂翼南冥數
挂簪墨悲晨翫驕楊泣暮淋漓落落松盤徑盈盈菊亞

籬鷁堪苦水汎蹇任灞陵騎屋倒牽蘿葉冠頽製竹皮
圓方違鑿枘甘苦狎糟醕夢已交猿鶴書頻扣鹿麋擔
簷辭海甸振旆發淮灘噉惜人情慣飛揚世事疑鳴岐
嘲鷺鷥驚出華怪肥遺骨相寒崔顥生辰軋趙岐頭風那
噪鵲腹痛詎烹蜺落月枯顏貌酸霜裂肺脾彭城虞困
阨羸博痛睽離啞啞回歌嘯皇皇挾涕洟金莖沉沉瀝
土窟壓舖糜飲恨邊城驛吞聲故國陴高門忘鼓瑟下
里憶吹簫正則占雞鷺元長對蛤蜊稱詩慚孟浩獻曲

陋王維潦倒三千客顛狂十八姨堅冰凝絕壑重霧勒
清漪目斷蘇司業魂摧杜拾遺側身從瓠落彈指失瓜
期杜牧才元俊劉蕡策故奇風寧滕閣送雪已謝庭遺
赤幟方平趙青衫尚隔淇徘徊燕塞外躑躅潞河湄乍
許攀槐棘能教困蒺藜朱陳新閼閱秦晉舊襟襦紫極
庸窺豹滄溟漫測蠡金猶懸駿骨玉豈賺蛾眉雨露通
鵷鵠星辰列鷁鷁孤鴻怜太白二鳥惜昌黎拂拭存衣
袂提携到履綦生平萬言策一為奏彤墀

寄胡孟弢兼懷惟寅李子

乍別君山署仍飛帝苑航談天來碣石賦雪罷瀟湘闕
已蓬萊近齋猶首著長芝蘭拳馥郁桃李樹芬芳國子
先生列成均博士行傳經酬寂寞問字關趨踣安定才
何屈昌黎譽漸揚論兵肝膽赤諫獵鬢毛蒼僚屬頻攜
糗生徒競裹糧瑟寒朝煦日氈薄夜凝霜五鹿新迴座
三鱸舊報堂九流窮竹素六館校青緗贈酒逢司業持
齋學太常烟霞縈繡佛雷電激干將曉殿遊鳩鵲春城

宿鳳凰長揚催拄笏太液待飛觴萬寺西陵外雙扉北
斗傍垂鞭時覓句緩帶日成章永拆徐陳社誰登陸謝
場應憐李都尉偃卧綠沉槍

覺生詩贈吳啓元

役役浮生內先登大覺場恒河初舍筏苦海驟迴航綠
綺聲誰和青衫債漸償因緣投翠柏夢寐熟黃梁寶座
懸空濶珠林構渺茫玄心偕去住聖諦徹行藏杖錫凌
風露袈裟傲雨暘乾坤怡草屨歲月度繩床說法高峰

外談經巨石傍楞伽持處密般若誦來長磊落機鋒契
逡巡棒喝忘散花摩詰幻節粟惠能狂絕島驅龍伯遙
空躡象王給孤禪苑樹香積梵廚糧慧日三天覆慈雲
十地翔愿攜金色臂投袂入清涼

題松茂蘭馨圖二十韻

有序

蔡景明先生家大人同榜也年七秩初度稱
觴者四集而適以是日舉冢孫姻友咸傳詫
以為希邁爰繪松茂蘭馨圖而索余賦之

霽日明松檜光風毓蕙蘭一弧懸海上雙鳥墮雲端
殿宇金莖矗庭堦玉樹團丹膏凝琥珀翠萼綻琅玕五粒
垂山逕孤根翳石壇沅湘思楚客泰岱覓秦官勁節迴
春意幽芳襲歲寒亭亭標院落冉冉拂欄杆突兀朝霞
映紛披夕露漙當風旂獵獵雜雨珮珊珊鸞鷟文猶貴
熊羆夢未闌燕臺新驥足渭渚舊漁竿象緯中天謫波
濤弱水殘含飴呈極樂設醴助清歡火棗頻餐易冰桃
乍得難後堂羅管籥中路集衣冠北極催綸誥南冥兆

羽翰青雲傳上國紫氣接長安
奕葉清芬播龍葱瑞靄
蟠雲初八千祺絳闕下還丹

少室山房集卷四十四

欽定四庫全書

少室山房集卷四十五

明 胡應麟 撰

五言排律三十三首

參知張公睿父博極羣書侈于三篋而不佞猥
以臭味國士龍門執手晤言兼旬款洽輒因
揚北寫寄詩歌凡六十四韻

六洞神仙吏三天侍從臣宣猷元借召布德重生申卓

聲傾流輩飛揚邁等倫宏才川浩蕩偉度岳嶙峋令譽
收南服英聲動北辰丰標凝衛玠局量峙王珣調自中
原合文從上國掄衣冠遊太液舄履步長春黼座瞻皇
極綸扉謁帝宸金門勞執戟玉殿伺垂紳勁節先排漢
昌言或借秦輪埋躬愈直檻折道彌伸李嶠箴規切陽
城獻納頻幼安懷並席長孺慕聯茵貝錦初騰越牛刀
試割閩蒼茫辭薊闕漢落度延津九鯉披雲夕雙龍躡
霧晨干旌停枳棘鹵簿却荆榛吐握加寒賤吹噓及隱

淪襟期青眼洽意氣白頭真絕代誇殊色登壇屬俊人
含毫千藻發洒墨萬花新宛委羣編列瑯琊鉅軸陳玄
談迴夏棘廣譬狹莊椿竹素隋宮繕菁華鄴架論牙籤
攜丙乙甲帳坐庚申掩映堦前雪紛紜闕外塵昆池方
朔秘曲水摯虞擯貳負歸漁獵撐犁入嘯嘖懸標搜異
粟輟箸驗勞薪肆免優成式徵貍劣鼎臣爰居恒獨悟
弗述詎同詢地戒遙通貉天文上接鷄七車寧後裔三
筐定前身執圃宗師匠文園臥逸民頽垣庸築傅廢隴

漫畊莘谷口霜沾笠灘頭月挂綸違時腸拂鬱避世足
遭屯骭體虞卿匹顛狂賀監鄰傭書疑闕澤講易類嚴
遵孝緒行藏僻君山積貯貧編摩淫束皙訓誨溺劉臻
擁被嗟捫虱振衣笑獲麟酸吟鼯鼠狎苦蝕蠹魚嗔逕
菊荒仍嚙臯蘭裂故紉桂叢居索莫蘿蔓屋艱辛壁乍
完衰趙珠徒綴大秦跼蹐愁炫璞宛轉惜藏珍下里容
賡曲東施屬效顰分庭延墨翟倒屣接莊辛混俗東方
朔遊仙郭景純神明交孔鮒宦業締崔駰厚誼偏敦薄

冲懷劇飲醇敲碁俄潰敵投轄剩留賓河朔差酬歲平
原漸隔旬蒼虬聊海甸彩鷁復溪濱汗漫烟霄翼崢嶸
渤澥鱗宮行開碣石邸會葺平津敢竊丘樊賁貪隨巷
陌淳孤城留保障率土藉陶甄叱處羊難臥畊餘鹿易
馴八詩猶並耀一志未全湮曳杖將投華擔簦欲憇岷
惟應挈四部絕頂對朝真

題關忠義侯像二十韻

代

間氣鍾材傑蒲東迹未塵千秋聞將帥一旅見君臣喪

亂情偏洽間關力愈陳飛揚辭操日突兀刺良晨大義
伸三國雄風敵萬人單刀迴魯肅巨舫困曹仁顧盼吳
儂匿追奔魏卒淪七軍全解甲九域漸同輪雀鼠張牙
角蛟龍挫羽鱗章丘虞暴猾臨沮厄囂囂縛禁差踰月
誅蒙僅隔旬精靈蟠上國盼蠻徹高旻白髮心推寇蒼
髯貌絕倫名猶懸宇宙魄已化星辰婦孺瞻依切生儒
嘆息頻珠旗來恍惚鐵胄下逡巡紫霧排僊闕丹霄扈
帝宸玉泉遺像在今古頌明神

送吳允兆歸雪川十韻

十年京邸客龍劒竝懸腰鮓饜諸侯饋羹分上相調紅
顏輕漢綬白首曳秦貂劇孟聲華壯朱家意氣饒片言
籠宇宙孤諾動雲霄擊筑聞三殿迴船就六橋離亭殘
月墜祖席斷虹飄揚子行春樹錢塘落暮潮川長歸夢
怯道迥客魂消珍重浮家約無嫌雪上遙

同允兆諸子夜集趙相國齋中得山字

間氣鍾名岳顏齡覩盛顏青霞流碣石紫霧照函關贈

棗安期狎偷桃曼倩閒調羹當北極置酒傍南山後院
羅絲竹中亭集珮環百僚趨館閣九列候朝班省問皇
情渥謳歌相業嫺飛鸞馴竹下舞鶴嘯花間賜履來中
禁懸壺得大還煌煌海籌屋遐算邈難攀

少傅趙公適出宋元及近時名畫俱少傅手題
縱觀移日如行道山陰應接不暇紀以排律
百六十言

宿霧雕欄霽輕烟畫榻流圖書分太液翰墨寫瀛洲玉

軸標雲漢金函控斗牛
堦篁俄蔽夏簷樹迥生秋
疊障斜窺院飛泉曲抱樓
虹霓懸佛刹日月拱皇州
野老騎蒼鹿天人駕赤虬
遙空盤野鶴別嶼點沙鷗
翠幄藏青杏朱房綴紫榴
洞庭霜後熟陽羨雨前抽
五岳紆行步千峰夾卧遊
撩吟松徑僻逐望草亭幽
意態張吳幻風神顧衛適
名高黃秘監執絕李營丘
妙蹟三車聚清芬四座留
諦觀殊未厭花色墮簾鉤

俞羨長留集齋中畢出新稿索觀卒業賦贈

憶罷葵丘會誰操碣石盟中原無獨步上國有同聲草
莽元仙籍山林即帝城玄亭窺老宿白社領時英賦擷
潘張譽詩參鮑謝評凌風吳咏擅和雪楚才驚飲石千
鈞銳披沙百鍊明虹霓流巨軸雲霧擁高旌歲儉擔簦
出時違躡屨行迷花居北院乞米傍西京郭泰睽舟思
陳登臥榻情天遙頻伐木地僻祇班荆綠蟻窮途汎蒼
龍大澤鳴跼蹐悲老驥寂寞語流鶯舊業慚玄晏新知
狎正平皇皇魯中蓋一為美人傾

代贈滎陽新郞君

閨閣滎陽郡簪紳碣石筵春波明太液彩日駐甘泉白
屋書連棟彤庭筆似椽千言橫赤幟萬選奪青錢舊策
龍門避新詩雁塔傳螭頭攜雨露豹尾握星躔玉珮縈
仙仗金釵簇畫船花香韋曲度樹色灞陵懸意氣慚吳
質襟期洽鄭玄通家兄弟誼好憶下帷年

夢登彭城諸山騁望大河因懷景陵徐惟得使

君

新渠迄工徐
君勞勩最懋

涉險愁逋客凭高快旅人谷深疑子午河決念庚辰城
郭園千雉樓臺簇萬鱗飛龍餘霸壘戲馬息征塵夢隔
山陵使勲留社稷臣桃花武陵澗春水正垂綸

壽沈夫人十二韻

錦石支機夜華堂設帨時婺輝流北極河影接西池趙
璧邯鄲映隋珠合浦移玉麟雙抱送金馬半驅馳內殿
綵龍馘中閨濯鳳匣丸熊昭燕翼冠翟耀蛾眉舉案依
黃閣吹簫近赤墀永桃來曼倩神棗下安期院落花香

細簾櫳樹影遲萱齡春冉冉桂實暮離離
煥爛溫綸錫
熒煌命服馳漫論滄海陸庭日正逶迤

賀章宗理拜納言六韻

拜命銀臺重承恩玉陛長舊楚司諫草新綰納言章左
掖鄰宮禁西清近苑牆鳴珂趨建禮待漏入明光雨露
沾堯歷風雲挹舜裳歸來雙袖底不斷御鑪香

夜窓急雨迅雷簡章生行父六韻

入夜天威動羈人賦式微疾雷穿瓦落驚電掣垣飛鶴

鶴搏空迅魚蝦掠岸肥涼生青竹簟暑淨綠蘿扉積潦盈川谷愁霖漲海圻將因湖水畔對濯芰荷衣

贈徐司空十七韻

何來星斗色永晝駐干將意氣高元直聲華擅偉長新宮營北極故郡憶南昌帝胄滕王閣宗支孺子堂垂天誇矯厲絕地快騰驤冕露昆池外帷褰粵雋傍赤墀傳鳳吹丹闕覲龍光萬戶停芝蓋千門跨柏梁緡錢蒐海岱材木下荆襄樽節蘓黎獻憂勤翼聖王朱衣晨煥爛

彩筆暮芬芳並探圖書域先登翰墨場雄篇馳月露隻
字鬪風霜麗藻芙蓉幕幽情薜荔裳踈狂容孟浩貧賤
捐田方市駿惟寧敬歌魚缺詎忘欣傳賜履近無棣錫
封疆

相國趙公損餉酒脯及鮓魚飴飫各賦排律八
韻

異饌金華出甘漿玉髓流黃封螭陸底彩翰鳳池頭東
海無勞牧中山不待求清香浮綠蟻麗色映紅虬鼎鼐

分朝食杯盤，愜夜遊投醪情。繾綣輟饋思，綢繆劇飲邀。
名勝加飧，豁旅愁欣然聊一飽。何羨醉鄉侯。

耒耜莘郊畔，綸竿渭水涯。羹分元相座，鮓合五侯家。
入鼎猶生霧，堆盤欲照霞。刈雲連隴阪，釣月倚汀沙。
玉粒逾紅稻，金鱗錯紫茄。杜鰲知有託，馮缺豈重嗟。
綠墊懸情劇，清溪入夢遐。窮年勞稼穡，未暇咏薰葭。

詰旦用孺太史亦以賦茄古體至余讀之清思
適發更賦排律二章章十二韻茄為物最賤

吾兩人盛為品題若此士固有遇不遇也

弱植慳詞賦微名味典墳岩廊新蔽芾隴畝舊耕耘
灌溉人工治栽培帝眷勤先春芽甲拆首夏葉紛紜色借
青綾被光欺白練裙甘漿籠紫電嘉實抱玄雲下箸迷
山蕨登盤勝野芹蹲鴟寧比芋辟蠹謾同芸杏酪何季
共梅鹽異代聞石渠根暢茂金鼎味氤氲菌蠢聊諧俗
離披會出羣遙憐百子殿花照越羅紋

植處非金谷移來是玉堂玄亭潛借色紫闥爛生光密

葉團芝蓋疎花發米囊雞頭形彷彿馬齒味參商萬子
綿瓜瓞三漿沃荔房隨波萍實麗入火芋魁香樹擬蒲
盧連枝慙苜蓿長朝蘭偕飲露晚菊互披霜祭敢勞先
聖齋惟狎太常斷蠶聞學士蒸瓠憶平章傳鼎調和熟
郇厨餽飮良憑將遐賤質浣滌助嘉芳

輓侯中丞六韻

寂寞青萍化蒼茫素旄昏才華新漢殿俠氣舊夷門仗
鉞三軍銳登壇百吏尊胡床邊月墮油幙陣雲屯馬革

悲王事龍章荷帝恩異時瞻大樹奕奕象賢存

秋日過用孺太史館中看菊作

九日移庭砌三秋列苑牆吳綃紛浥露蜀錦碎勻霜
幄借青綾被簪宜白苧裳林塘寒鬪色籬落靜生香
戲蝶渾迷素游蜂欲讓黃朝飡期笠澤夕采問柴桑
汾水佳人興成都倦客腸龍山風日在歸理舊壺觴

衆木凋零後羣芳爛漫時移從新上苑采憶舊東籬
玉琤交璀璨金鈿鬪陸離色披羅幔蚤香度繡屏遲
綴席

千霞艷浮觴片月宜含霜晨縹緲冒雨夕淋漓隱士岩
邊植騷人澤畔持何如酌甘谷萬壽獻彤墀

咏黃葉同區孝廉純玄太史用孺作

合浦飄仍遠長安落未終千林俄失翠一水間流紅寂
寞經秋雨彷徨後夜風迷蜂當觀閣伴蝶戲簾櫳命薄
侔隋苑身輕異漢宮騷人悲葦芙蓉賦客嘆飛蓬桃杏凋
元蚤芙蓉發漸空妬他籬下菊增艷向梧桐

弱質全凋露繁陰半墜霜紛紛飛玉砌冉冉覆銀床色

豈經秋澹聲偏入夜長翠銷蘭芷珮青泥芟荷裳蒲柳
俄更綠薰葭盡變蒼隨風吟埜寺伴雨積山堂奉帚悲
長信含毫泣未央故園遙極目天濶洞庭傍

曾秘書招同區純玄用孺汪公翰登顯靈宮閣

帝時浮丘肅仙壇太乙崇飛甍凌廣莫傑觀峙窿穹百
級懸蒼霧雙扉闢彩虹憑高千地入望遠八天空目杳
吳門騎毫披碣石鴻蓬壺迷上下泰華辨西東樹色新
豐近花香太液同慈恩何代剎紫極異時宮絳節朝金

相銖衣侍玉童長陵懷左蠹太隗問遺弓不死標靈藥
浮生劇轉蓬升沈飛鳥外聚散隙駒中氣色看山秀才
華粵嶠雄踏歌郭郡客獻賦杜陵翁藉草遊寧倦捫蘿
興未窮吾將趁昏黑絕頂御罡風

壽茅母八韻

爛漫青霞色晨飛玳瑁筵庚寅初降日甲子乍周季鳳
翮秦樓下鸞書漢闕傳芝停句曲蓋芟擁若耶船酌醴
春光媚含飴樂事綿雙珠呈碣石片玉照藍田躍鯉看

純孝烹雞識象賢瑤池八萬里振佩白雲前

載別靜父澌元二宗人并懷徐陳茆王四子

吾宗神秀裔二仲最翩翩桂樹燕山並棠花易水聯名
園鄰北郭別墅帶南阡曙聽鈎輶去昏馳叱撥旋妖童
攜簞簞冶女競鞦韆遠寺投清磬長堤簇畫船清風貽
賦頌白雪和詩篇徐幹才名著陳遵翰墨傳茆容腸鬱
結王粲思飛騫屢入華陽社俄空碣石筵河梁愁緒促
海國夢魂牽意氣長虹折襟期片月懸放懷丹壑近迴

首碧雲偏灞岸重登日陽關乍出季吳田初放鶴越岫
正啼鵲日夜相思切瑤琴抱絕絃

侍御葉公資送樓船抵杭賦謝五百字

伏柱辭燕闕褰帷向虎林花驄千里道竹馬萬家心白
筆含霜動朱旗曳霧臨埋輪神鬼避折檻帝王欽捧日
聲華著迴天意氣任斜封先罷勅直指載題箴鼓吹錢
塘岼樓船震澤潯浮江消癘疫煮海蕩氛祲蜀繡威祛
蜮魚鹽弊剔蟬三吳豪右懾兩浙吏氓悃縣柳標前植

谿蘭拂舊絳河陽霞祭爛秋浦月蕭森紫霧催王舄丹
霄麗宓琴名賢遺惠愛茂宰播芳馨鹵簿江州却橋梁
澌水尋兒童羣接袂父老競披襟合浦光搖電函關氣
屬雲澹臺徵往昔石戶詢當今僕射憐才切司空拜善
謔衡茅蒐野逸草莽薦崎嶇末契申盧駱孤悰託向禽
公車時序換客邸歲華侵絕域傷流寓荒塗惜滯淫一
身餘杖屨十口互衣衾驟得鸞翔漢真憐鮒涸涔銀缸
寒乍照玉斚醉頻斟董相虛陳策莊生實廢吟乘槎騫

並適捧檄義同歆足別寧愁卞頭風欲愈琳誼高雙白
壁賜溢萬黃金敝篋離并塞輕裝發薊岑嚴城宵擊柝
古戍暮傳砧野店黃茆簇山郵綠樹沈沿淮程冉冉入
越路駸駸蕙圃欣逢鵝楓亭快食鱖孤帆移雪上敝宅
認山陰猿狖迎空谷鷦鷯集故林陳情慙李密養志慙
曾參午憇甜仍黑晨炊突漸黔蘇機聊下軸竇錦趣停
針草閣啗雙燕椿庭戲五禽蓬蒿行處合蘋藻薦來歆
白鳳騰書帙蒼龍掣劍鐔銜恩腸易結飲惠古難啗八

表瞻星象三韓待雨霖
羹牆肯自劇翼卵定誰深
灑墨紉丹匱濡毫綻綠沈
惟應感知什百代為知音

再送包觀察稚升之閩中

已奏淮陽績仍浮渭北船
飛霜隨憲節明月挂離筵
郡邑嶠函外城闔灞漘前
重關行紫氣別業問藍田
六傳排雲日雙旌拂漢袖
中龍劍色爔爔射星躔

贈別區太史用孺三十韻

屈指登壇業如公更幾人
英詞摘晉宋大雅擷周秦
粵

海三珠耀崑岡片玉掄紅顏攀桂闕白面上楓宸棣萼
燕山下梅花易水濱珮紆新鸞驚袍奪舊麒麟秘閣然
藜夜香亭屬草晨橫身飛日月舉足步星辰意氣深流
輩風期絕等倫湘臺盟景屈鄴郡締徐陳契為論文篤
交緣作賦神舟聯吳苑雪笠共漢京塵馬走提攜渥牛
驅顧盼頻空林移阜蓋委巷曳朱輪握麈酬玄度濡翰
接景純留連時達旦臥起或經旬岳立千秋廢冥搜萬
象陳高標凌泰岱厚誼薄峨岷劒妬芙蓉合衣便薜荔

紉駿才寧易屈龍性故難馴
獲落商岩畫棲遲渭渚縉
揚雄玄寂寞宗炳卧逡巡
別恨催紅葉歸期趣綠蘋
一丘容寄傲九域藉經綸
石戶偏懷璧天墀憶賜銀
孤騫憐大翼獨處笑窮鱗
徙倚三垣切參差一德鄰
乾坤留哲匠社稷待詞臣
努力時餐飯關心數飲醇
金閨墜梁月投夢澈溪垠

夜集萬中丞齋中二郎君出侍翩翩玉立且風
致卓爾不羣追賦八韻寄懷并似中丞以當

尺一

識面雙投刺舒懷一抱琴雲中鴻雁翼原上鵲鴿心並
宿桃花岸聯飛桂樹林風華喬梓茂意氣棣棠深翰墨
眉山下簞裘洛水潯藍田誇合璧麗浦重兼金文武家
聲擅詩書世業任西堂春色蚤爛漫憶披襟

謁關忠義祠十八韻代

凜烈貞元氣時危屬異人河山留壯節海岳降高真北
陸扶皇胄南陽協帝臣從龍噓赤伏躍馬踐黃巾夏口

單刀駐荆門萬甲巡精忠餘報效大義絕連姻畫界寧
權忌遷都猾操輦吳師魂半逝魏卒陣全湮斧鎖威屠
德矍矍勢感仁風馳秦塞外電掃洛川濱域內俱徯后
江東實震鄰神明炎祚厄鬼蜮詐謀伸麥邑悲逢蠆章
丘痛獲麟陰靈遺百代盼蠻亘千春隧道紆松栢宮牆
飾藻蘋斷雲迴悵望斜日助酸辛古壁蛇蟲字空梁燕
雀塵惟應玉泉剎永劫鎮長新

李本寧廉訪以武侯廟八律見貽倚賦排律四

首 有序

世之善頌孔明者三代而下一人止矣迺余
意猶以未盡往往發之雜論著間謂詩篇束
聲偶欲效工部古栢行為長歌而未暇是春
本寧使君自蜀至手書武侯祠廟八章見貽
余受讀躍然因取陳志洎諸野記小說凡武
侯嘉謨偉節韻為四章章每百字即瑣語逸
事亦間附焉蓋區區仰止可概見已

隴上耕耘日隆中嘯傲時分荆存霸迹入蜀定皇基建

業元將命

先是當陽之敗孔明請奉命求救于江東

成都迄受遺交鄰吳壤

服討賊魏廷知舊鼎三垂叶新圖八陣移七擒降孟獲

十倍勝曹丕大將嗤巾幗

魏平

追兵怯鼓旗

楊儀反旗鳴鼓懿不敢逼

伏龍人羨艷如虎敵紛披絕棧巴山曲鼓祠漢水湄炎

精垂燼夕泪盡杜陵詩

時務真誰識崎嶇見武侯勤勞同稷契正大協伊周鹿
任奸雄逐龍占俊傑留相才元獨擅將略定誰優治世

休從惠交鄰或用柔南荒窮絕域少陸蕩神州取善規

忠益開誠布遠猷

俱武侯語

仇家偕飲泣

李平廖立

敵國競含羞

紀法森鸞鸛

八陣

機神運馬牛

木牛流馬

巍巍三代下王佐嗣

先憂

抱膝南陽下乾坤入嘯吟犁鉏莘野重畚插傳岩深大

澤皇圖創

孔明隆中之議先主荊州

中原帝胄臨萬年扶漢誼五月

渡瀘心羽扇驅風電蒲輪挾雨霖遺書穹峽外

川中有諸葛兵

峽藏甲故岷陰

滇南有藏甲岷

部伍歸寧輯酋豪入縱擒南人

慙數叛

孟獲云南人不復反

北孽戒重侵

昭烈初卒爽懿來侵

六出先聲壯

三言後慮謹

告李福語

錦官祠柏在黛色尚森森

吞吳情拂鬱

杜詩

滅魏思飛騫管樂寧同座蕭曹定隔藩

南征弢劔戟北伐誓旌旗萬事三分策千秋二表言庸

禪知盡瘁桀懿詢加餐

即食少事煩語

日慘祁山戍天昏渭水

原

五丈原在渭北

金牛炎社促鏤馬夜臺喧古柏籠祠砌

見杜詩

枯桑抱屋垣

成都桑八百株

江空殘月墮峽迴斷雲翻白帝留

營陣傷心亂石繁

少室山房集卷四十五

欽定四庫全書

少室山房集卷四十六

明 胡應麟 撰

五言排律二十首

效陰鏗安樂宮體十首

有序

梁陰鏗安樂宮新成詩云新宮實壯哉雲裏
望蓬萊迢遞翔鵠仰聯翩賀燕來重檐寒霧
宿丹井夏蓮開甃石披新錦雕梁畫早梅欲

知安樂盛歌管襍塵埃右五言律十句為篇
者齊梁以還時有此體獨是作格調精嚴音
節圓飽古今五言律鼻祖也前而鮑謝諸子
律既未純後而江徐以迄盧駱尚多四聲八
病之犯律家正始無出是篇暇日輒取漢魏
六朝唐宋宮苑之瑰艷者倣安樂體成賦十
章聊用自娛匪求多于曩哲也

甘泉宮

見漢武故事
史漢等書

紺殿明丹壑朱欄麗碧空金芝藂紫翠玉樹翳青蔥閭
闔千門度罽毼萬戶通魚龍吟太液雞犬咽新豐後乘
雙飛燕踟躕豹尾中

趙飛燕從幸甘泉引晉
志語疑漢有兩人也

銅雀臺

見魏志樂
府等書

千秋遺片瓦萬仞憶崇臺繡柱星河落雕欄日月開歌
聲迴白苧舞影拂蒼苔舊寵羅衣歇新粧總帳哀當時
笑公瑾不載二喬來

清暑殿

見晉書本紀及
通鑑綱目等書

曲榭生風蚤層窓漏日遲
氷山圍巖嶺雪巘架逶迤
石甃長秋井泉疏太液池
御舟三翼泛宮扇七輪馳
莫漫酣吳酒輕言狎翠眉

景陽樓

見宋書及
詩紀等書

紫氣重關外飛樓上屬雲迴
梯盤月窟複道駕星文
列聖金支現諸真玉珮聞
爐香晨雜沓燭靄暮網緼
不分銀床下他時狎翠裙

閱武堂

見齊書東昏
紀南史等書

萬柳何年植枝枝淨隔塵堂猶名閨武苑欲借宜春滌
器非寒士當壚亦麗人金丸穿葉巧寶屨墜花新屈指
西師入能舒翠黛顰

同泰寺

見梁書南史
通鑑等書

園林標帝闕水石麗神州入座慈雲動登壇法雨流三
乘歸獨詣二酉入窮蒐彩筆詞人聚緗縑學士留逡巡
成要略寒賤失雕鏤

臨春閣

見隋遺錄及
南史陳書

瑣閣披香砌風光照麗華腰縈前殿柳臉奪後庭花暗
牖通秦蹕明窓泊漢查流蕪懸重錦步障夾輕紗正爾
呼江令隋兵集似麻

朝霞院

見隋煬海山記
南部烟花等錄

宿霧懸珠檻朝雲動玉扉樓心窺帝座閣道隱僊機八
水清相觀三山翠欲飛萬妝圍錦帳百媚擁羅衣一曲
菱歌罷蕪城事已非

沈香亭

見唐人本事詩
及紀事等書

十二雕欄外名花照玉壺翰林方醉卧中使遍傳呼行
樂詞先奏清平唱未徂春山雲作黛秋水月為膚妬殺

紅絲畔纖纖入畫圖

紅絲研出
唐彥猷

神運峰

見宋人艮岳記
及宋史本紀

飛來自何處突兀挂雕牆帝命徵千邑神功運八荒摩
霄孤鷲下駕海巨鼇藏五岳真形在三峨故域長惟愁
絕顛眺燧火燭天狼

結夏西山諸佛刹效初盛體為排律十首

寶樹雲霞出珠林日月懸豐碑鑱晉代巨榜揭梁年綉
柱排雙闕雕甍控八埏塔光摩宇宙幢影矗星躔海戲
浮杯浪江縈卓錫泉中峨羣岫列上竺亂峰連鹿苑全
鋪桂龍池盡植蓮曇花青鳥駐忍草白牛眠梵率高天
外崑崙大地前神功香積運聖諦法輪傳萬劫空王座
千燈釋祖筵焚身銷衆業斷臂伏諸緣入室聞師利登
壇見普賢曹溪存一悟臨濟徹三玄有漏先除障無生
欲問禪行行負瓢笠曳杖到金田

玉鏡懸高座金輪壓大荒國疑遊淨樂山似踏清涼殿
吐祥雲色窓含慧日光虹霓行畫壁牛女宿雕梁一鉢
攜千界孤燈現十方袈裟晨燦爛旌蓋暮飛揚夾戶杉
松麗捎簷桂柏香靈花芬別院苦竹翳迴廊馬為馱經
白龍因聽法蒼足三禽是使牙六象稱王那叱獐牙動
修羅恚目張腰疑天女細爪憶梵流長幾夜眠風穴經
年事石霜墨摩聊示寂普化舊徉狂浩瀚遊秦論圓通
入洛章津梁如可涉拂袖上慈航

杖履遵山麓欄杆列磴阿飛梁攢泰岱畫拱壓岷峨寶
閣慈恩近瑤宮淨飯多天台浮海嶠岳麓控江沱振錫
啼猿下登堂法雁過焚香馴怖鴿乞食叩靈鼉曲徑穿
黃葉迴廊步綠莎嵯亭交竹樹石室掛藤蘿萬億光明
藏三千宰堵波雙林開覺路八水渡恒河白足依龍樹
緇衣住鳥窠禪燈圍帝釋梵樂奏仙娥雪竇偏宜頌雲
門不厭訶大悲觀自在上首阿難陀幻夢清圓覺真如
會密多將紉居士服一榻伴維摩

半嶺金銀出中天杖錫留門庭炎漢闢棟宇大唐修一
水浮精舍千峰插梵樓憑高雙檻豁望遠七燈幽舍利
神光躍兜羅佛臂柔閭浮窮上國瞻部盡南州削壁雲
霞動飛簷象緯遊旌高寒月墜磬斷夕陽收麓勝前飛
鶴山深近伏牛象王迎法駕龍伯護靈湫芥吐須彌色
蓮垂阿耨流旃檀長照夜祇樹不驚秋大士居岩際高
僧坐石頭機深頻掣棒偈苦欲沈舟溪岼聞三乘雲門
見四愁謾論生老病千劫盡浮漚

殿起凌三竺臺孤望四溟遙空呈紺碧絕頂挂丹青巘
岬橫香案峰巒列畫屏剎高全碍日池迴半披星古砌
流雲積陰廊凍雪局泉當秋徑濯瀑向夜窓聽影落吟
邊雁光飛定後螢鐘疎聞鶴唳鉢冷帶龍腥薜荔蒼凝
壁藤蘿翠壓庭齋厨菱芡熟講席芰荷馨忉利旌旛合
潮音杖錫停三車迎海嶠一葦渡江汀覺路超千界玄
關護百靈圓明童子偈定慧法王經夢幻清禪鐸機鋒
徹梵鈴熬山欲成道會待歲公醒

薦福崇新構能仁拓舊基殿疑身毒割宮似竺乾移法力金容耀毫光玉髻披恒沙登覺岬阿耨渡香池五蘊空羅刹三摩駕辟支千身菩薩現九劫梵王離幻化天魔伏靈通地藏知運開龍漢後季紀赤明時鹿女銜花獻猿孫拾橡嬉捷關馴虎豹伏砌斷蛟魑古樹撐崖出寒花抱石敬飛蘿懸絕磴夾篠蔽清漪生老偏愁病貪嗔獨戀痴道存無盡藏劫滿阿僧祇舍宅王珣癖過門杜甫饑芒鞋萬峰雪歲晚入蛾眉

梵宇千靈集禪堂萬法森琚楹浮絕巘畫檻卓遙岑枕
簾霞光入竿旌霧色侵懸崖冬雪墜背嶺夕嵐沈鶴去
天飛錫龍來地布金持齋馴鴿下施食斷猿吟樹老僧
忘臘花空佛印心菩提清欲界蒼蘊淨祇林經卷流泉
側香龕巨石陰普陀懸海嶠靈隱矗江潯教自磨磚徹
禪因面壁深迷津航易度彼岼筏難尋四品中軍好三
乘吏部欽王丞情汗漫許椽思沈淫大夢銷塵劫高談
暢古今明朝瓦棺閣乘勝更登臨

寺古傳迴向園空認給孤飛軒臨廣莫疊閣到虛無白
玉中天甃黃金大地鋪千僧繙般若七佛證毘盧默坐
超人境高憑豁帝都東西凌泰華南北控燕吳阿閼靈
光現娑婆聖教敷幽明窮六道神鬼徹三途嶺欲騰丹
鷲碑疑下赤烏香林獅子伏法駕象王扶淨業依蘭桂
空心會苾芻沈檀霏貝葉茗薜浥雕胡板屋雙扉靜繩
床一衲枯玄談披沆瀣妙義發醍醐支遁神偏王周顒
興未孤無煩畏昏黑絕頂上浮圖

傑構臨丹地飛梁瞰碧峰臺高蒼壁盡殿古白雲重峭
峽虹斜度危崖雪半封佛疑維衛至僧似落伽逢舞鶴
參朝座饑鳥集暮鐘緣深頻伏象定久忽聞葢暗牖閒
生竹虛檐密種松持經迷齒齒說偈墜芙蓉異薜分泉
淪香粳激浪春蒲團藏閒寂木榻寄蒙茸八識空塵累
三禪別梵宗九州遙挂衲十岳遍扶筇瓔珞天人餽玻
瓈釋帝供文殊行處脚迦葉笑時容東域摩騰化西江
道一蹤將辭泐潭去闡法號黃龍

佛日千岩靜人天萬壑遙珠宮浮碧落貝闕抱丹青玉
盤霞明滅金燈月動搖旌幡朝霧結鈴鐸夜風飄袒膊
眠山洞飛身渡海潮香看塵外續火辨劫前燒阿育誠
心化登伽幻術調波旬迴憤恚戈利失矜驕塑壁環雙
樹鐙碑記六朝梵僧家姓竺梁帝寺名蕭北固凌虛曠
東林跨沱漻池開龍母窟塔湧雁王標翠栢禪機契青
蓮釋證饒揮鋤除障業破竈絕喧囂五岳攜孤杖三田
寄一瓢流沙歸路近柱史乍相邀

唐五言排律沈宋肇端盛唐則供奉右丞大
都不過十韻上下絲簡故精而千言數百匪
冗則糅故也明楊用修選杜發明斯義大有
抑揚雖其意左祖青蓮要非亡謂迺杜諸短
章亡若吳生畫壁十韻楊特舍旃而沱水臨
中坐亟稱絕到則其舛也夫詩近體五七言
八句至矣盡矣既曰排律矣惡用以長短限
之況篇短而精由隆準公將才止堪十萬衆

過此非長韓淮陰悉蕃漢以成躡楚之大勛
亂于何有則杜陵固其鵠已惟是才賦所趨
人難強合且用韻多取材博得與失參互其
間則用修之論政自有不可廢者唐人藻繪
十九攄之僧寺佛宮結夏西山諸招提永晝
如歲漫取十二家讀之至四君排律熒然心
會輒步其體格積成十章章十六韻誠知時
代所壓靡足以馳騁前規要以紀興一時備

忘他日至于競傳之句已著之篇亡復因襲
則近時流弊余不佞知免矣夫

少室山房集卷四十六

欽定四庫全書

少室山房集卷四十七

明 胡應麟 撰

五言排律一首

乙未仲冬朔舟次濟南大雪百二十韻

有序并呈永叔

詩成後雪愈盛六花如翼連三晝夜不解兩
嵯之間瓊林珠樹璀璨萬行沙棠溯流真如
入瑤池汎銀海晉人亟稱山陰道上徒凡境

耳余晨起披氍躡屐從兩奚奴登高阜吹玉
笙飄飄然有馭風騎氣想恨不攜太白子微
輩升五城十二樓望之入舟呼酒豪興逸發
信筆縷縷復得千言通前短章凡一百二十
韻唐五言百韻昉于杜陵韓白踵作然皆歷
陳時事未有咏物而韻百餘者又皆用寬韻
四支一先之屬未有茲韻而至百餘者余不
佞實始濫觴即構思荒幻取証襍猥大方之

家諒有餘笑顧邯鄲之蹙粗竭于此而用事
之變于詞場亦庶幾焉因並前什繁簡互存
以敬俟後君子且以為異日者考見顛末淺
深之自云

密霰三冬集玄雲四望同微茫屯巨壑浩蕩布長空入
夜光交暎連朝勢倍雄紛披遙墜露颯沓近含風漠漠
緣堤厚霏霏入壑融凌波來冉冉逐浪去匆匆島嶼縈
枯朽汀洲結亂蕪

水草

修途霜漸澀閭谷霧籠從屏翳驅

馳疾玄冥號令隆山川呈渾沌

帝名

宇宙簸共工

共工自謂水德

王介甫稱雪為水種

鍊石媧皇瘁填河織女癡衣裳青媛濕環珮

素娥璫

玉聲

月杵春來細星箕處濛

元詩雲孫捧出南箕簸月姊春來北

斗量

斗牛沈劒色雷電撤車攻

王介甫雪詩凍雲深閉阿香車

南紀陽和

伏東華灝氣籠扶桑靈曙旭析木炫層穹齊魯青如冪

岷峨翠若幢重陰浮海岱積素暈河嵩潮湧錢塘濶濤

蒸渤漲澤

音義俱全洪俱

滹沱流易合勃律颶難通

見酉陽雜俎

廬

阜天連瀑燕臺日貫虹

虹白

柱凝江館瑟絃折塞門弓弱

水冰堪渡遼陽淖未融瑤翻藏地軸

樊宗師文瑤翻碧斂

玉戲笑

天工

清異錄以雪為天工玉戲

碎訝昆吾切瑩看匠石鑿瀟湘遺是

玦宛洛種為琬琰壁唐郊薦圭璋夏廟彤

祭名

王孫珩祭

爛和氏璞龍葱瑪瑙霏成屑琅玕剝欲鎔水晶鹽味淡

火浣布毛冲

白也

貝錦披文砌鮫綃錯綺櫳玻璃新步障

雲母舊屏風蟾窟俄圓桂鷗絃驟拂桐

以白雪言

白華懷炯

潔黃竹寄憂忡處士牆顏華幽人徑翳蓬千林凋橘柚

七澤凍杉楓潭隔雙柑侶泥霑百草叢禾苗占上瑞楮

葉陋凡工擬絮情殊愜吹葭節漸融

和也時近長至

吟梅標逸

韻泣笋驗深衷庭院饑喧雀軒墀靜撲蟲

燕雪詩隔窓撩亂撲春蟲

羅張梁苑兔

兔園

未瘞鄴田螽

也

激灩傳羔帳蕭疎放鶴

籠狼峰清代北鵲幟警雲中

太白詩窮首高懸白鵲旗

蜃吐樓臺鉅

鯨封觀壁壑

左氏取其鯨鯢以為京觀韓雪詩鯨鯢陸骨死

黿鼉愁永蟄鸛鶚

快高翀遠渚拳棲鷺荒陂竄落鴻灞橋驢蹇足藍嶺騎

埋髣永已凝貞白鉛仍聚葛洪玉京朝柱史銀闕跳壺

公棺下喬應耄坐飛晉尚童餐苓延薊訓服乳度茅衷

貞白而下仙家
八事並以色言

慧可禪鋒利

用少林斷臂事

瞿曇佛行崇

雪山苦行

散花摩詰幻篩栗惠能伺

見壇經首

嶂沒須彌嶺池添阿耨

鉢菩提陳大梵優鉢湛真空

菩提優鉢俱以花言

冶色凌姑射炎

威淨祝融軒塗迷七聖舜麓正羣工

烈風雨弗迷事

孟氏離宮

雪宮樂顏回陋巷窮

王介甫詩擁帚尚憐南北巷謂不蔽風雪

水精傳孔父

緯書

云水精子繼周為素王

石髓問嵇公秀徹膚明玠

玉人

瑰妍質粲濛

王濛凝脂誇杜姣

杜義傅粉詫何工

賻亮嗟埋樹

理玉樹着地中事

懷忱嘆濯桐

王大濯事

浩遊賢七貴

孟浩然名浩嘗與李白鄭虔七人遊雪中

賢過

關圖

安臥卜三公

袁安後至三公介甫雪詩
袁安交戟豈須又用此事

竹墅深逃

廬茆廬破匿全

韓贈廬全詩破
屋數間而已矣

孫窓芒帙耀蘇窖覓腸

克有履穿東郭無衣晒郝隆陶巾敬自漉姜被薄誰烘

蝶記元嬰

滕王
蛺蝶

寫鵞忘逸少籠白

鵞白含冤齊婦孝

東海孝
婦齊地

殉節宋臣忠

朱升祭二帝
文魂消雪窖

左伯骸將斃全師睨故矇

全

沮雪高
臥鰲山

綿分須賈袂褐綻范丹躬雨粟羸君駭量沙魏

卒惜

道濟量沙以
餘米覆其上

程徒傳舊業石帥擅奇功

石

炭化虛

疑遜

荏陽化炭為婦
人美肌如玉

薪慳孰代崇

蠟代
薪事

長謠逢賈簿

唐

贈島詩十二
街中春雪遍

大獵罷蕭忠

見玄
怪錄

暑檻宜河朔春盤憶射

洪詩

崢嶸驚歲暮朗潤報年豐
蘭舫忻聯鷁桑弧慶得

雄

余是日
適舉子

倦遊秦邸外

蘇季子
黑貂事

乘興越溪東

剡溪在越
余方扶策

東歸而與永叔
聯舫故用二事

濡蒞全妨舵飄飄半壓蓬
羣鷁憐榜監

獨釣戀漁翁爨擁孤烟白
鑪存宿火紅布帆懸菑峭絲

竿繫青葱綽約肌生疹
清華目眩瞳衾裯吟嘯裏几簞

畫圖中白苧歌游子清商發
侍僮逍遙披氅客骭髀被

裘公角賦豪吞惠

惠連
雪賦

琬詞捷仆融

張融海賦鹽云積
雪炎天飛霜暑路

船邀狂太白

杜贈李天子呼來不上船

筆授雋文通

用彩筆生花事余與永叔聯舟

而旦夕唱和故以上十餘韻俱寫沙棠中風景

皓齒紛相藉明妝儼作鼓輕盈

迴曼臉滑膩襯酥胸飛動昭陽燕翩襍洛水鴻浣紗西

子潔織錦竇姬聰蛾黛呵張敞鶯喉簇馬融登仙慚有

道中聖羨無功握麈神先王持螯思並洪

余及王君皆攜家故五韻

及百壺攜若下五石醉新豐彈玩商雕鼓觚攜漢鑄銅

藏閼拈勝事橫梁鬪英風潦倒青田核淋漓碧苜筒南

皮簪競盍北海座寧空甲煎芬逾嶺天池味勝蒙

蒙山棗

梨膏野熟薏苡釀泉冲

淡也

鼎列雲英麪匙抄赤穰種爛

煨樊圃芋細嚼夏畦菰汀鶩肥供案河魴健入簾

捕魚竹器

見韻

奇毛蒐海雁

茂先海鳧毛事取類雪之故亦舉案中品饌言薏苡即今薏酒

異味獻

家縱

王武子事

虬脯時封鹿羊蹠或饌熊烹鮮庖中竅斫膾

匠成風

登仙以下至此十餘韻大都無與雪典然皆余偕永叔豪飲雪中事故縷叙卒章

大纛

思平蔡高牙誓縛戎

李靖雪中求韻利牙帳遂禽之永叔伉爽激烈常有封狼居胥意雪

中拉余登高阜馳射誦唐人欲將輕騎逐大雪滿弓刀之句北望慨然

射從飛衛習棋效

積薪攻

攻治也舟中有善奕者王山人

挾日平原暢談天碣石江鳳池

延小謝龍鮓詢司空絕倒元平子清言復阿戎

仲子侍坐

三

墳羅倚相四部繕行冲

余與永叔坐中戲放溫李舊習各隸雪事遂盈數卷

屈宋

才無敵鄒枚宴未窮寥寥白雪賦千古孝王宮

唐人百韻若子美樂天集中多重出者已悉

前人詩話明何仲默壽李文正韻才三十餘


而迭見數四尤非後學所當法余此篇凡字

義同者絕不復重若字同義異或人名地名

則雖屢出實與別韻無殊嚴羽卿胡元任及

唐宋諸名流夙嘗論此咸有成說顧其間一
二寬韻猶不妨恣意汎濶至短促韻不盈百
中又有絕不可入詩者而欲演繹千餘言非
此何以措手足如此篇四空字一實用一虛
用一梵語一官名字雖同而義亡一同且其
難用尚有甚于字異者故聊存之以備一體
兼以就正大方家又前用惠能篩粟事粟即
秬稻之屬壇經自明與後用燕丹天雨粟事

亦不同自餘率放此



少室山房集卷四十七

欽定四庫全書

集部

少室山房集卷四十八至五十

詳校官編修臣崔槐

侍讀臣孫球覆勘

總校官庶吉士臣何思鈞

校對官中書臣王鍾泰

謄錄監生臣沈一鶚

欽定四庫全書

少室山房集卷四十八

明 胡應麟 撰

五言排律一首

輓王元美先生二百四十韻

有序

嗚呼此余哭元美先生之作也庚寅秋聞先生
生病則馳小艇過婁江比至先生病已革起
榻上執余手曰吾日望子來而瞑吾續集甫

成編子為我校而序之吾即瞑弗憾矣余歛
歔唯命留來玉閣六旬雪涕與先生別卒歲
抵家則報先生逝矣嗚呼山頽木壞世將誰
託吾將疇依記曩歲病瓜步先生為余作傳
因以傳下屬余弗敢當顧有片長可以自効
者爰掎撫先生生平履歷閉戶一月勒成此
篇凡二百有四十韻二十有四百言古排律
至多不過百韻至先生哭于鱗百二十韻而

極奈余之才不能半古人則先生履歷非藉此固亡以徵萬一而冗濫之誚誠無諉于大方矣

泰岱崩頽日乾坤混闔年共驚梁木壞誰擁刼灰然北極悲遺老東吳泣大賢八荒情慘怛九域涕淪漣訃達雞林外神遊鹿苑前青牛應獨跨赤鯉詎同還憶昔嘉隆運重看間氣聯星移嚴子瀨岳降洞庭巔花甲庚寅兆蓬弧戊子懸貞元逢五百盛美冠三千奕葉龍為種

苞符鳳集肩脩睂揚八彩異骨聳雙髯毀齒驚閭族垂
髻訖里屢應聲題寶缺唾手拾青錢玉陛晨宣唱瓊林
晝錫筵龍葱韋曲霧搖曳杜陵烟柳岼青絲盒桃堤赤
玉鞭墨花浮太液囊草動甘泉東壁呈輝耀西曹得靜
便銳情三古上矢志百王先盡却區中累全收物外權
詞林勤斲削藝苑恣騰騫正始追遺躅開元繼絕綖搏
空孤翼上歷塊衆蹄竣避也歷下論心最新都託分堅宗
吳偕駿發余李並蟬連南海攜公實西堂對惠連謂次公也

張公江海契徐子廟堂緣社自簪紳合門仍韋布延伶

俦噓謝叟羈繫脫盧榎結侶撝金石同心叶筦縣

樂名

虹

光搖海岳雪色被幽燕入穴雛探虎登壇耳握捷遐踪

恢孝武陋習起成宣

以上叙交遊事

嶠冢千江派崑崙萬谷泉

五經憑發笥六藝浩忘筌大筆籠檀左雄章軋孟遷漆

園饒採掇鄭圃縱漁畋頌發商周蘊詩紬漢魏詮中郎

同麗爾都尉共超然八斗虛高第

鍾嶸第子建為上品

三閭實冗

員

審言呼屈宋為衙官

興深陶栗里情逸謝臨川叙述卑平子鋪

張狹孟堅靈光霞映桷景福霧盈櫺隻字摩宮壤單辭
耀幅幘喑鳴人自廢踔厲世無前

以上叙
著作事

楮墨時隨溷

緗縑半蠹椽蘭膏經歲竭藜火徹明然閣上讐中壘亭
中閱太玄多聞留偃賜好學嗣顏騫急就章章疏凡將
字字箋蟲魚評叔夜科斗辨僧虔鼯鼠奇毛列商羊獨
足拳浮游無宿疾貳負有遺馱獄底知神物雷煥河邊識
女媧流觴徵仲冶威斗驗承天待詔今方朔司空舊茂
先編成羅豔異志就薄夷堅腹貯須彌外胸藏宛委還

諸劉慚博核二沈謝覃研

以上叙問學事

絕代難酬價傾城易

邁環桓文名藉藉絳灌目睟睟道直元如矢躬行更若

弦當門寧植蕙曲徑詎容荃蕭艾紛投隙椒蘭競構愆

一麾辭豹尾雙珮拭龍淵易水悲歌歇潢池武略宣綠

林殲劒戟青土靜弓卷

以上叙外補事

屏翰風猷著家門歷數

遭高牙淪瀚海大纛仆居延池水先波及崑崗驟火延

乘時交鬼蜮濟惡刺蝗蝻刺木傷縲絃肩輿詢竹篴千

機同織貝百足漫扶螭魚服恫誰訴牛衣困自綆形骸

迷骭髀手足竭胼痛切腸攢蝟熹微命綴蜒瘍薰肌
徹骨癭決項流咽斷絕張儀舌轟虺石勒拳韜鈴明主
惜法網柄臣牽霹靂高空下雷霆大地燂

炎也

魂飛巢壓

卵膽奪棟頽枿進退身維谷縱橫汨若汨剗心聞唳鶴
洒血和啼鵑

以上叙
家難事

星散華陽市天迴震澤瀍善權捫

紫翠陽羨卜蒼矸大澤偏容卧長林不厭穿扶筇升險
絕躡屐犯危顛謝客西州墓為農北海壘楸梧存越嶠
禾黍種吳田茂苑繁花麗婁江秀麥捐開園鄰綠埜築

室傍藍田畫棟金銀列雕楹繪堊填奇峰俱岳麓恠石
盡平泉曲榭遙通竹飛樓迴架槎殘山疑墜碣刺水似
浮滇橘柚連村樹芙蓉隔港沿萍颶吹襲襲葵露滴涓
涓隴首珍禽戲黔南語鳥僂遊人懷鞠韞冶女話鞦韆

以上叙
賓客事

揖客長停哺迎賓屢握鬟交遊太丘廣車騎孟

嘗聞急難時捐困逢迎歲竭廡

廡也

朱衣驚坐衆珠履入

門駢別墅矜馳騎行庖試擊鮮紛紜操膾脯蹠蹠驟連
錢糲效虞悰製茶呼陸羽煎沈酣桑落會潦倒竹林眠

較罰逾金谷移封隘酒泉糟醕憑寄迹麴米笑流涎鸚鵡玻璃杓鷓鴣玳瑁捲鴟夷浮茵憇象鼻吸連卷笠澤

槎頭鱸淞陵縮項鰱連螯烹紫蟹帶甲供黃鱸

鱸即黃魚諸解

並同水災房房坼山櫻顆顆圓兒拳呈紫蕨佛手薦香櫟

饌敵郇厨美羹嘲党帳羶嵯峨薪代蠟嗟咄豆成饘桂

樹時停楫沙棠日扣舷綸竿張氏舸簫鼓孟家船登善

文皇冊元常季直箋玄圭銘大夏蒼珮琢于闐孟德臺

端瓦烏曹檨上磚月輸求誌費日損賣文錢

以上叙燕會事

勝

負天人定升沈氣運遷辭家悲李密伏闕慟王延浩蕩
新恩下熒煌宿垢湔勒銘同峴首封冢象祈連綸綍飛
朝宁冠紳會陌阡霜蹄仍剪拂彩翮驟翩躚突兀烟霄
上嶒嶸日月邊三關勞控馭兩越寄旬宣太僕分司重
中丞節制全空羣留驂駟異隊別駟驢將轂頻推楚兵
符半攝鄔秋霜凝斧鉞晴旭照戈鋌參上攀名岳沅湘
涉大川雲低神女駕月冷帝妃鈿京兆鮮于敏廷評定
國虔先驅馴獬豸密網化鷹鷂

以上叙
宦遊事

倏忽人情異悲

涼世態懷青蠅從抵隙白鳥任遺譏勇退羞羅雀幽棲
避跼鳶世驚鵬偃息自喜蠖蜿蜒展卷忻長日懸書得
大年三蒼勤剗剗五緯罄雕鐫鉅碣新羅購穹碑日本
傳褒誅崇袞鉞晃朗切璣璇黼黻垂鐘鼎絲綸飾豆籩
江河馳藻繪象緯錯丹鉛氣色龍成彩聲華蟻集羶家
藏三郡集童習二鳴編寶錄窺靈秘真機握大還入關
遺世事閉戶息塵緣紺殿羣囂絕清都百慮蠲遺經緒
損益大道識坤乾真誥裁弘景陰符注李筌瑤函王母

授金榜木公嬪

傳也

厭次東方朔羅浮郭稚川黃庭神煜

煜紫府息綿綿白石攬霞煮丹珠滴露研虛無遊大洞

冲漠憇重淵取次蒲團熟縱橫木榻穿低迴遲驚羽隱

約下鸞輶太上留函谷先生叩竺乾

謂古先生

普陀談五蘊

臨濟覈三玄作偈呈希運題書謁大顛孤峰凝獨峙古

月証重園砌上祇園菓池中法界蓮菩提垂寶地香積

布金田靈祐軍持蹋丹霞佛像難直窺無始奧真徹上

乘禪

以上叙
焚修事

隱豹藏林密鳴騶入谷遙玄纁何奕奕東

帛匪爰爰禮數三台接恩光八座偏長干邀鹵簿白下

註旌旃東土明無二南宗集大千雨花臺上句桃葉渡

頭篇元禮門如海文通筆勝椽世俱榮白傅疇不慕青

蓮

南中日
接千賓

帝命勞疏廣臣心戀偃佺歸尋霞外侶逝作

地行仙

以上叙
再出事

放浪君平卜逍遙善卷佃陶朱頻易蠡

博望幾浮騫小閣披芳素層軒構碧連

公歸重構芳
素媚清二軒

鳴

琴娛舊峭吹笛和潺湲大白凌周顗深杯角鄭虔

公自
南都

歸每賓友過
從必極酣暢

優游寬禮法爽朗越拘攣擁髻迴通德脩

蛾却麗娟閨房間窈窕枕簟絕便嬛

長公暮年
聲色都絕

玉樹前

階盛金莖後喬綿虹霓爛芝桂雨露蔭楠楨尺璧名高

楚千金骨市涓流沙陳騷裊汗血聚驂弱

公諸郎君
名率從馬

福

履人生備期頤衆望顙

以上叙
乞歸事

殮苓逾薊訓辟穀度彭

錢兜率仙宮麗遮須梵宇妍龍蛇占起陸雞犬候離喫

共詫三彭伏那期二豎躋

也跋

肺愁司馬渴腰惜隱侯脰

杜瘡原難起曹風不易痊蘭金辭管鮑藥石謝和扁驟

解形骸縛初離眷屬纏金棺來熒熒玉舄去翩翩化鵠

徒為爾騎鯨固有焉尚疑元放脫翻憶令威翮烈魄搏
箕尾精魂落斗躔夜臺風淅淅朝隴月娟娟震悼聞雙
闕吞聲屈八埏榮封符馬鬣異兆協牛眠大樹英靈在
生芻涕泗濺倉皇捫草屨躑躅負寒氊片刺交文舉孤
城託仲宣風塵饒盼睠湖海竭陶甄宗廟裳衣列門牆
袒褐褰敢云千里足突覩九方歎磊落孫陽御馳驅祖
述鞭虛懷懸藻鏡側目任衡銓翠黛雙彎嫵朱唇一笑
媽無媒甘老大不嫁抱嬋娟異代瞻提挈中途恨棄捐

佳人寧獨立國士詎同憐骨相成虛負音容記勉旃文
漪空嘯咏碧浪罷延緣苦思啼莊舄深悰泣鄭玄良工
亡偃翟巧匠失輪扁太室三花瘁曹溪六葉跏虛聞南
岳讓濫擬石頭遷迦葉神徒惜維摩病豈然城佳松鬱
鬱墓宿草芊芊郢國陽春絕邯鄲步驟趨荒丘盤狡兔
高嶺咽寒蟬堂後聽絲竹壚頭漬酒綿滂沱臨大壑鳴
邑問重泉宇宙遺空笈乾坤入斷絃惟應四部稿萬古
誦鈞天

凡字同義異或名姓字同例得重押其字義
並同者唐人雖或重押此不復沿

少室山房集卷四十八

欽定四庫全書

少室山房集卷四十九

明 胡應麟 撰

七言律詩八十一首

送王敬美先生入賀萬壽二首並寄徐子與右
參黎惟敬秘書

馬首寒雲碣石開
遠從青雀建章臺
霓裳自獻千秋曲
露掌頻分萬壽杯
把袂應徐天咫尺
抽毫枚馬日徘徊

山陰亦是旋舟地雪夜能忘駐草萊

暮擁軒車入帝州曉排閭闔問龍樓
西山紫氣飄環珮北極寒光照冕旒
天際薇花聊獨倚日邊藜火定誰酬
荆高舊侶能相過已拚華陽十日留

懷大司空朱公

華髮歸來臥洛京三山晴望紫霞平
遙傳大陸思神禹不見孤峰下廣成
日冷金縢猶泰時春回玉樹已承明
夷門咫尺酬知晚慘淡吳鉤匣底鳴

江右王孫貞吉以書併畫見貽賦此寄謝

浩渺涼風歲色徂遙傳尺素到江湖誰誇特進鸞鳳筆
自寫滕王蛺蝶圖明月萬家愁外滿碧雲千里望來孤
攜琴會入東林社徙倚蓮花醉玉壺

寄荅同伯王孫

屹立廬峯挂紫烟中林有客坐談玄高軒蚤識王孫句
畫閣重開帝子筵秋遠北風隨雁字夜深南斗動龍泉
何緣一借天池榻攜手銀河百尺懸

送梁持伯還南海

翩翩輿馬駐江干，
斲輟含香漢殿官。
雲氣乍看隨玉節，
露華猶憶對金盤。
尊前葉送羅浮暝，
笛裡花飄大庾寒。
極目故園瓊海上，
好攜春雪向長安。

觀察吳先生分署東甌，
與余期為雁蕩之遊，
久不獲赴，小詩奉寄。

行車何處不風流，
名岳能將漢使留。
萬頃白雲迴雁蕩，
千峯寒瀑掛龍湫。
深春薦福亭中醉，
竟日能仁寺裡遊。

咫尺山靈定相笑苦將瓢笠望丹丘

病中王山人過訪有贈

年來消渴未全除曲巷時時長者車
寶錄自探俞跗訣金函長秘葛洪書
茅飛白晝龍隨杖杏發青山虎守廬
試事長桑三十日上池仙液定何如

聞商侍御按部山西有寄

攬轡飛霜滿冀丘
多冠何客伴風流
千山坐擁堯都日
九派行疏禹鑿流
瀚海烽清長息甲
漁陽塵起一登樓

雙鴻是處南來色愁憶長安把臂遊

望雲遙祝為興化徐別駕題

千花晴日滿林臯鶴髮鸞箋照錦袍紫氣乍占函谷迥
白雲遙望武夷高天瓢露染三春樹海屋霞明萬歲桃
不道偉長詩興淺畫筵留客幾揮毫

寄趙太史

紫霄遙憶漢官儀誰似夔龍集鳳池雲色並攜三殿草
日華長繞萬年枝趨跼玉珮觀祠夜徙倚金莖伴直時

無賴問奇亭下客秋風猶占五湖湄

雪中同王少參集彭廣文齋閣

飛雪千門照彩毫登臺寒色滿林臯論心敢訝青氈薄
倚曲偏驚白苧高冶艷正隨仙客氅輕盈旋拂侍臣袍
亦知郢國春難和且傍天花醉濁醪

薄暮同二君過集張明府署中

綺席華筵擁上賓飛花寒夜迥生春無論漢水千株發
轉覺河陽萬樹新艷色並看瓊作圓清光遙映玉為人

天涯二仲過逢日可道王猷引興頻

明晨邀三君集舟中是日雪大作竟暮

黯淡同雲際碧天溪山遙望轉清妍誰將剡曲風前棹
並載梁臺雪裡筵玉樹乍驚瑤瑟倚冰花時傍彩毫傳
飛觴總是瓊樓客肯借陽春和昔年

彭穉修以病乞假楚還匡廬詩送之

憔悴青羶越水頭一尊長嘯攬吳鉤高齋暮輟康成講
名岳朝看太史游五老雲霞天並入九江濤浪雪爭流

春花正逐離筵滿忍聽陽關上客舟

王次公敬美寄惠計偕集叙走筆二律奉謝

字字青雲拂斗躔蓬蒿何意彩毫傳雙龍並出豐城夜
萬騎遙空朔野前當代自尊玄晏語異時誰問子雲玄
亦知流水千年在敢向人間話絕絃

浩渺吳關落雁羣飛槎遙自九江濱山川忽借潛夫色
宇宙長懸太史文潦倒十年慙賦雪吹噓一夜有凌雲
無勞更覓青藜杖不忝瑤華異代聞

蚤春雪後攜尊小樓獨坐因憶客歲同三君子
舟中飲樂甚也輒賦四韻寄麟洲公并柬張
彭二丈

百尺晴光繞畫闌一尊池館坐高寒
瑤樓四照天花合玉笛孤吹隴樹殘
郢客陽春元寡和兔園詞藻盡登壇
亦知剡曲堪乘興十載袁安啟戶難

夏日攜尊大雲山晚眺并尋白蓮池諸蹟

落日壺觴興未迴飄然藍輦問崔嵬
飛檣夾漢雙流下

畫檻浮空萬堞開，岼草似留湘客怨。
池蓮能識謝公來，翩翩白恰俱年少。
擗管誰當作賦才。

秋日登八詠樓讀休文諸詩有感

突兀飛樓霧裡看，當年詞客此盤桓。
窓中二水浮天入，檻外千峰插地寒。
海嶠心情饒伏枕，台垣消息幾彈冠。
朱絃萬古重相對，轉覺他時屬和難。

杪秋遊金華芙蓉峰憇劉孝標讀書處

疊嶺危梯挂碧天，支筇遙踏亂雲前。
芙蓉萬朵煙中出，

檜栢千林洞口懸采藥壇空猶晉代讀書臺古自梁年
移家我亦尋仙客試伴羣羊絕頂眠

題管建初山人遊玄岳卷

龍嶠千盤霧色開中天何處躡崔嵬遙峰恍入飛仙戶
列岫高懸上帝臺倚杖祝融雲自起題詩天柱月頻來
風前絳節如相問為拾瑤華寄草萊

送管山人遊吳

東書回首問滄溟何處逢人話客星三竺暮雲藜杖紫

五湖春日布帆青
關心雁陣愁邊落
拂面驪歌醉裡聽
歸去萬峯林屋底
好攜鸞鶴報山靈

秋日同郭鴻臚集趙明府宅對菊得寒字

綠野晴開一逕寬
清尊攜客此盤桓
千枝的皪明秋序
萬朶娉婷立暮寒
露色總深陶令采
霜華誰問楚臣餐
西風拂面饒相笑
得似龍山座裡看

讀弇州山人集二首

十襲琅函散紫氛
碧窓遙夜擁蘭芬
羣編盡廢中郎篋

隻字堪藏太史文萬古江河誰白日千秋閭巷有青雲
玄亭肯着侯芭卧不向名山乞典墳

錦帙牙籤次第開披襟山色滿蘭臺初成漢苑然藜業
盡壓梁園授簡才一字霜風猶縹緲千章河漢轉徘徊
相思幾夜瑤華切肯惜如椽借草萊

東彭穉脩

有序

先是穉脩與余會都門未幾別去至是復來
為吾邑廣文云

帝城風雪苦飄零何意南天到客星
埋沒乍看雙劍紫浮沈猶傍一瓊
青桃梅拂坐春相麗首嘗行杯午未
停莫戀橫經函丈底碧山時過子雲
亭

送沈純父之嶺南

一封誰遣上天關垂死行蹤瘴癘
間萬里獨懸羈客泪九重曾問逐臣
顏天迴北極龍樓迺日湧南溟象郡
間絕塞梅花題咏夜可無魂夢到朝
班

康裕卿挈家臨安僅一子復喪為詩
唁之

白髮攜家傍五湖
紅顏何意杳先徂
一杯泪向延陵盡
十口心懸伯道孤
種玉尚看迴暮景
投珠那忍憶長途
西風獨夜猿啼切
可道東門恨有無

送習太史還江右

草奏曾將動紫宸
一麾河上有垂綸
千年赤日懸明主
萬里青山度逐臣
玉筍琴尊餘歲月
金門環珮老風塵
珠簾百尺滕王館
回首能無望北辰

得弇州公書並見寄諸作賦荅四首

玉樹雙栽照錦囊
鴻書誰擬問滄浪
頻年紫氣高函谷
一日青雲徧首陽
門客有詩傳大雅
老臣無賦上長楊
烟花繞座秦淮月
愁絕春城夢去長

環珮當年七子流
何人詞藻擅登樓
筵開碣石青天盡
社冷華陽白日愁
八座尚看裴相起
三山聊擬謝公遊
離心咫尺雙龍暮
醉拂芙蓉望斗牛

迢遞雙絨到海涯
美人何處把瑤華
吳天不斷雲千里
激水長飛雪萬家
幾夜幽情懸薜荔
十年愁色老蒹葭

追陪遠愧龍門客目送寒空雁影斜

極目中原感慨同百年湖海嘆飛蓬
臺空薊北無名馬
筑散長安有斷鴻
爾雅故應窮郭璞
子虛寧得誤揚雄
相思總傍湛虛色
夜夜寒光吐白虹

送潘少丞還嶺南

把袂都門別思濃
河梁寒色照雙龍
官閒慙乞文園病
宦拙那能騎省容
鶴夢西樵雲慘淡
羊裘南海月蒙茸
莫誇賀監當年賜
不盡梅花四百峰

同諸公夜餞楊使君於梁中翰宅得低字

五馬長馳朔雪低
衣冠握手重含悽
驚心北闕辭丹鳳
愁色南雲望碧雞
銅柱千年標障塞
鐵橋萬里界封提
亦知上國懸金在
咫尺炎荒到紫泥

秋夜同陳太史康山人集李環衛園亭

薄暮朱門並騎來
相看詞客共徘徊
孤亭迥對芙蓉出
一徑深從薜荔開
夜靜飛霜流玉笋
天空明月上瑤臺
風塵是處應劉合
肯讓當年鄴下才

夜同童子鳴康裕卿宿香山禪寺限韻分賦

絕壁蒼茫霧裡看，振衣蘿薜上千盤。
軒窗盡鎖西山色，樓殿平分北斗寒。
雨過松聲隨錫杖，風迴花影動瑤壇。
相看不盡憑高興，欲向蓬萊借羽翰。

冬日黎員外招同思伯諸丈夜集不赴寄得雲字

一尊華館動星文，客夢飄飄擬對君。
玄草舊從金馬識，青藜遙自石渠分。
春生大漠飛燕雪，曲奏高天散楚雲。

零落梅花鄉國遠風塵誰不念離羣

送太史趙公封楚藩

惆悵驪駒易水傍西風愁色賦河梁
金函夜捧辭金闕玉節朝攜下玉堂
七澤星辰浮去棹九疑雲霧濕征裳
丹梯絕頂岫巉外幾送吟眸入帝鄉

穀日同黎惟敬秘書梁思伯中翰丘汝謙計部

童子鳴康裕卿二山人安茂卿文學集朱在

明宅得宮字

佳節西園燕賞同相將才子集芳叢
簾前霽雪飄仙掌
席上春星繞漢宮
萬里清愁懸別鶴
千門寒色動歸鴻
梅花幾度孤山下
心折關河尚轉蓬

時二山人
將南歸

送陳穉冲還晉陵

元龍何事獨棲遲
散髮狂歌返翠微
白石未忘松桂隱
青山遙待薜蘿衣
春寒雨雪連瓜步
夜色星河傍海沂
時憶燕城攜手客
登樓迴望五雲飛

送胡計部督餉儀真

旌旆遙遙海色開
燕城春雪照離杯
分畊乍息秦兵戰
轉餉仍勞漢使才
京口雲山圍省署
廣陵花月傍樓臺
烟濤極目淮流阻
絕塞誰傳錦字迴

送劉別駕之漳南

一尊清夜此留懽
離思蕭蕭雨雪殘
萬里秋風還故國
幾年春草客長安
煙開郡郭漳流迥
日落關門海氣寒
惆悵天南相憶處
飛鴻遙望五雲端

同童山人安茂卿夜集何太史宅觀梅得春字

檻外幽芳欲照人相看瓊朵淨無塵南枝未送江頭色
東閣先傳雪裡春明月寒林書共遠亂山孤驛夢難親
不緣水部詩情在那得花前索笑頻

夜同子鳴茂卿攜酒重集何太史宅觀梅兼送

呂山人忠父南歸得湖字

清夜尋花雪滿途何因東閣坐狂夫瑤臺影落霜天淨
玉笛聲殘隴月孤醉拂莓苔驚庾嶺夢驂鸞鶴到西湖
一枝欲贈南歸客回首春山隔畫圖

送梁思伯內史覓還南海

綵筆經年侍赤墀，離旌初下鳳凰池。
停車欲度梅花嶺，望闕頻扳桂樹枝。
萬里歸心殘雪後，千山行色暮雲時。
薊門回首生芳草，莫使衣冠憶問奇。

席上送童子鳴遊衡山得蹤字

躡蹻初尋七十峰，亂山秋色傍行蹤。
中天翠削芙蓉秀，絕障青含薜荔重。
金檢自探神禹策，丹臺誰辨祝融封。
登臨憶爾層雲上，杖底千岩落暮鐘。

送楊祠部出守滇南

露冕西南瘴癘清十年玄草擅才名秋風劍珮辭天出
落日旌旗傍海行賦就客非金馬署書來人臥碧雞城
昆明萬頃浮槎夜愁絕魚龍異漢京

送朱在明使長沙

西風遙夜起長楊使節翩翩下建章淮海帆檣飛夢澤
楚天城郭出瀟湘心搖桂樹筵中月夢繞梅花笛裡霜
宋玉臺邊芳草盡幾從秋色吊襄王

錦纜朝霞出潞河雙旌南去意如何
泥金漢使傳書下
玉珮湘妃作賦過萬嶺秋光天柱月
千秋寒影洞庭波
清尊莫滯王門燕握手華陽待和歌

送沈僉憲入越

幾年尊俎淨狼烟獨下青霄雨露偏
三殿清霜隨憲節
五陵斜日照離筵梅花夜繞江城發
棠樹春從海國懸
此去湖山堪極目湧金門外半樓船

送涂明府之龍丘

黃金臺下共留懽，獨向青冥奮羽翰。
雁塔乍題唐進士，鵷行仍別漢郎官。
江雲縹緲雙鳬下，海日蒼茫一騎寒。
白晝琴堂歌咏暇，看花還憶在長安。

秋夜同惟敬諸子集劉觀察園亭分得高字

一尊三徑掩蓬蒿，詞客相看盡綵毫。
華館乍停鸚鵡曲，青藜遙識鳳凰毛。
天垂閭闔繁星轉，霜滿樓臺夜月高。
十載梁園幽興在，不妨寒色上綈袍。

送伍明府景周之永嘉

遠塞寒聲起暮笳離亭歸思逐黃花雙鳬欲化郎官舄
片鷁先開使者槎旌旆夜懸滄海月樓臺春繞赤城霞
乘閒擬著西征賦為報安仁髻未華

哭梁思伯中翰四首

華髮才名滿玉樓思鄉仍作嶺南遊三秋鴻雁音書絕
一夕龍蛇讖緯愁易水飛霜閒別館海天斜日下荒丘
西風獨把延陵劍不是詞人亦淚流

五夜簫聲逐鳳凰碧桃枝下幾傳觴雲開郭隗黃金館

花滿盧家白玉堂尚擬故人來漢闕不堪遊子去濠梁
相思欲吊天南塚落盡梅花大海傍

憔悴孤城此哭君關河萬里見浮雲空齋寂寞青綾被
遺藻淒涼白練裙醉客尚餘山簡夢招魂誰續景差文
松風忽傍遙天起猶擬精靈下夕曛

奇絕當年顧虎頭停杯為我畫滄洲毫端雲霧三湘色
堂上煙霞七澤流漁艇依微臨野岼人家搖落帶沙鷗
只今粉墨空惆悵一片青山起暮愁

送安茂卿賦得富春山釣臺同諸子分題作

百尺危梯上翠微
空臺長日亂雲飛
山寒麋鹿歸樵徑
水落魚龍傍釣磯
越渚帆過蘭杜遠
漢庭書到薜蘿稀
披裘莫道垂綸客
夜夜雙星動帝畿

將之武昌留別社中諸丈

時家君出
參楚藩

黎秘書惟敬

萬壘西風接暮秋
楚天城郭暫淹留
樓臺寂寞仙人去
環珮淒涼帝子愁
過雁定傳衡岳字
啼猿初繫洞庭舟

佳期南國無由共獨對青藜悵遠遊

劉憲副仲修

十載青衫傍帝都鄉心遙夜憶蓴鱸林間賦客閒三徑
天外歸人問五湖秋雨帆檣連白帝碧雲原廟鎖蒼梧
江城玉笛休回首零落梅花客夢孤

康山人裕卿

握手孤雲爾共論不堪岐路倒芳尊經年暮雪棲燕市
一片春霞阻石門江上鴻書誰賦別天涯龍劍早酬恩

蘆花夜夜扁舟色愁絕青山繞夢魂

丘計部汝謙

蕭蕭殘葉攬吳鉤才子臨風憶舊遊
客路遠過湘水宅離心獨上武昌樓
黃陵日落千花暮赤壁雲生萬葦秋
岼岼啼猿江色裡不堪重繫木蘭舟

李環衛惟寅

京洛逢君解珮刀翩翩人識鳳凰毛
歌殘白雪瑤華在夢倚青雲玉樹高
故國深秋淮甸雨歸心寒月海門濤

江魚塞雁能相憶莫滯西堂五色毫

安文學茂卿

野竹江花繞岼迴長沙晴望漢陽開浮雲曉色襄王夢
寒雨秋聲宋玉臺白亭早飛三楚調青袍誰識五陵才
南歸好遂征鴻翼一為湘娥解珮來

易侍御蘇別駕蔡廉訪攜酒清源大雄閣餞別
得才字

碧瓦雕甍玉作臺真從人世躡蓬萊盤空日月三天近

抱郭南山萬井開冠蓋乍逢梁苑集帆檣初望越城迴
亦知信美非吾境魂斷登樓賦客才

答徐仁仲二首

有序

返次清源阻水者幾載月豫章徐仁仲遠移
舟見就日夕晤語甚懽將別賦贈

相逢豪氣自翩翩早覩靈光第一傳李郭仙舟同此夕
張雷神劍合當年眠雲欲借匡廬頂望日聊依泰岱前
七十二君君試問幾家遺碣到桑田

仁仲賦排律四十
韻見貽推寄殊篤

余別有
報章

朱絃無分奏彤庭濁酒猶堪話獨醒
歷落雄心懸老驥蹉跎愁鬢擲流螢
江頭地遠滕王閣湖上天開孺子亭
縱是河東能邂逅千秋能似太玄經

渡江聞汪司馬避暑焦山有寄

隨緣瓢笠又東林玉觀瑤臺望欲沈
長憶鳳翔千仞上不知龍臥大江心
名將日月題丹洞賦擁雲霞列翠岑
倘覓戴逵溪畔宅秋風迴棹是蘭陰

淮徐歸興六首

一棹乘秋出五湖西風愁色動尊鱸金門帝許排閭闔
寶劍人誰問鹿盧千尺尚懸東海釣百年休踐太行途
平生烈士心長在碎擊王郎白玉壺

夾岸帆檣水濱蒼茫雲霧入垂綸三生不戴如花面
九尺長餘食粟身杜宇慣嘲多病客辛夷頻喚欲歸人
滄溟萬斛吾家在好逐漁郎問去津

一望龍門興已闌漫將陳策射金鑾生來驃騎封侯易

老去馮唐謁帝難
粟里乍看三徑在
桐江猶剩一峰寒
秋風咫尺天池上
未向榆枋刷羽翰

短褐猶聞卧海湄
長裾曾否曳天池
蒼茫八翼飄雲漢
慘淡雙肱折路岐
玉洞豈無千歲水
金門寧乏萬年枝
從教少婦機頭坐
賦裡黃金尚陸離

一帆春雨下淮陽
柳色偏嘲薜荔裳
病後風塵堪躍馬
歸來陵谷任騎羊
高山自奏三千牘
上苑誰矜十八行
莫嘆盧生魂夢裡
幾人窮達在黃梁

白面題詩碣石臺
紅顏擲盡重徘徊
虛疑駿足曾雙刷
不信羊腸易九迴
縮地將隨徐甲去
談天毋擬劇辛來
飛揚摠屬羣公事
一壑猶能擅草萊

司空潘公行水徐泗間
訂余晤語淮上適黃河
阻風不及赴約輒因使者
報謝四章

側席天書降紫泥
東山寧得遂幽棲
琅函畫捧千靈集
玉珮晨參百吏齊
碧樹交陰籠大道
蒼松垂葉護長堤
龍蛇滿壁郵亭下
一認當年夏后題

一舸南征歲月遐老臣馳驟日天涯平驅邵伯湖頭雪
盡築高公堰口霞稍喜故堤添柳色從教新漲沒桃花
軍儲絡繹三邊外底事屯田說漢家

巖嶂穹碑頌姓名輝煌巨軸紀平成緣堤彩鷁千羣度
掠水黃龍萬隊行轉粟東南無大澤飛芻西北有長城
異時河洛看遺跡何限秋風壁馬情

熒熒龍章下鳳樓漢庭何羨富民侯中天日月低環珮
大陸風雲近冕旒蚤闢西園延上客行開東閣貯名流

不緣石匣司空問誰識千將在斗牛

過觀察金公故居有感

有序

公名應照宰吾邑者逾六年廉介迥絕歷官
山東觀察使一日無疾終余素辱知國士爰
詩吊焉

六載冰壺異政傳琴堂晴色弄朱絃
邠原乍肯懷千石
劉寵猶憎受一錢
桃李春風繁越嶠
松楸寒日吊吳田
門庭寂寞登龍後
慟絕當時問太玄

少室山房集卷四十九